

լերին նստեին սոքա, ի ժամու՝ յորում մեռաւ սուրբն Ներսես, տեսանէին սոքա յիւրաքանչիւր լեռնէ աչաւք բացաւք ի տուրնջեան ժամու զայրն Աստուծոյ զՆերսես իբրեւ յամպս յափշտակեալս, զի հրեշտակք Աստուծոյ տանէին զնա ի վեր, եւ գունդք գունդք գային նմա առաջի: 3 Իբրեւ տեսին զայս տեսիլ աւնապատաւորքն, զարմացեալք ընդ գործն ընդ այնս. բայց Շաղիտայն՝ որ էրն յԱռեւծ լերինն՝ քանզի էր հմուտ այր, զիտաց եթէ հանգուցեալ է սուրբն Ներսես, եւ այն ոգիք նորա երեւին նմա. բայց Եպիփան եղ ի մտի իւրում, թէ մարմնով իցէ յափշտակեալ զնա: 4 Ապա յարեան յիւրաքանչիւր լեռնէ՝ ընթացեալք փութով մինչեւ յեկեղեաց գաւառ, եկին քննեցին տեսին զի կատարեալ էր սուրբ հայրապետն Ներսես. եւ եկին մինչեւ ի Թիւրյ գեւղն, եւ տեսին զտեղին՝ յորում եղեալ էր զնա. եւ դիպեալք միմեանց արքն հաւատարիմք, պատմէին միմեանց զոր ինչ տեսինն՝ առաջի ժողովորոցն: 5 Բայց էին արքն այն հրեշտակակրանք, յանապատին սնեալք եւ կեցեալք. զի եւ կարաւոր էին նշանս առնել մեծամեծս, եւ ամենեցուն զիտելի եւ ծանաւորք էին գործք նոցա:

ԳԼՈՒԽ ԻԶ.

1 Յաղագս սրբոյն Շաղիտայի:

2 Շաղիտայս, այր սուրբ, էր լեալ աշակերտ մեծին Դանիելի. եւ ի տղայութենէ իւրմէ սնեալ էր համակ յանապատս, եւ ընդ անապատաւորս խոտաճարակ լեալ էր: 3 Եւ յետ հանգստեան սրբոյն Ներսիսի զնաց չոգաւ ի գաւառն Կորդուաց, եւ առնէր նշանս եւ սքանչելիս, եւ բնակէր ի մեջ առիւծուց. աւելի քան զքսան առեւծ հանապազ շրջէին ընդ նմա հանապազորդեալք¹: 4 Էր զի լինէր՝ զի յորժամ ցաւ ինչ ցաւէր գազանացն, գային շուրջ պատէին զնովաւ, եւ ձգծգէին զՇաղիտայն, եւ նշանաւ առնէին խնդրել զբժշկութիւն: 5 Եւ էր երբեմն՝ զի առեւծ մի մեծ, եւ էր ելեալ եղեզն ընդ թաթով բազկին առիւծոյն, եւ եկն առեւծն առ սուրբն Շաղիտայն ի լեռնն՝ յորում նստէր. եւ զաւրէն մարդոյ ի վեր առեալ զթաթովն՝ ցուցանէր նմա զվերն, նշանացէր նմա բժշկել զինքն: 6 Իսկ սուրբն Շաղիտա հանէր զեղեզն՝ որ ընդ վերն մտեալ էր, եւ թքանէր ի վերն, եւ թաշկինակաւն՝ զոր ընդ զուլին իւր էր ածեալ՝ հանեալ պատեր զթաթ առիւծուն եւ բժշկէր:

7 Եւ այսպէս բիւրապատիկ եւ պէսպէս առնէր զսքանչելիս: 8 Եւ զազանք էին կենաց կցորդ նորա, մինչ շրջէր նա յանապատս զամենայն աւուրս կենաց իւրոց: 9 Եւ ի գետ իբրեւ հասանէր, կաշկաւքն անցանէր ի վերայ ջուրցն գետոցն, եւ ոչ թանային կաշիկք նորա: 10 Եւ յորժամ ի շէն ուրեք իջանէր, զբազում մոլորեալս դարձուցանէր նշանաւք եւ արուեստիւք:

1 Ի միում օրինակի չիք՝ հանապազորդեալք